



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr. 436/2014

Paneli Zgjedhor për Ankesa dhe Parashtresa (PZAP), përbërë nga gjyqtarët: Muhamet Rexha kryesues, Nenad Lazic dhe Xhevdet Abazi anëtarë, duke vendosur përkitazi me ankesën e kandidatit për deputet të Kuvendit të Republikës së Kosovës, Shukri Buja nga subjekti politik Partia Demokratike e Kosovës (PDK), dega në Lipjan, paraqitur kundër Rezultatit përfundimtar të publikuar nga Komisioni Qendror i Zgjedhjeve (KQZ) me date 26.06.2014, për Zgjedhjet e Parakohshme Parlamentare, në seancën e panelit të mbajtur me 30.06.2014, mori këtë:

VENDIM

- I. Miratohet** si e bazuar ankesa e kandidatit për deputet të Kuvendit të Republikës së Kosovës, Shukri Buja nga subjekti politik Partia Demokratike e Kosovës (PDK), dega në Lipjan.
- II. Urdhërohet** Komisioni Qendror i Zgjedhjeve (KQZ), ti rinumëroi vetëm fletëvotimet për kandidatët e subjektit politik PDK në Vendvotimin (VV) 1324E/01R/02R/03D, 1304E/02R.
- III. Rezultati** i cili del pas rinumërimit të kutisë së votimit të VV si në pikën –II- të këtij dispozitivi, të përfshihet në rezultatin përfundimtar.

Arsyetim

PZAP-i, ka pranuar një ankesë më datë 27.06.2014, nga kandidati Shukri Buja për deputet të Kuvendit të Republikës së Kosovës nga radhët e subjekti politik PDK dega në Lipjan, me të cilën pretendohet se gjatë numërimit të fletëvotimeve është konstatuar se në vendvotimin nr.1324 E 03D, kandidati Shukri Buja me nr.80 ka pasur të regjistruara vetëm 16 vota ndërsa gjatë ri-numërimit kanë konstatuar 56 vota. Në vendvotimin nr.1304 E 02R, parashtresuesi i ankesës pretendon se ka pasur ndërhyrje (falsifikim) të votave për kandidatët, po ashtu Formulari i Përputhjes së të dhënave dhe rezultateve nuk është nënshkruar nga të gjithë komisiomerët. Në vendvotimin nr.1324 E 03D rezulton që kandidatit me nr.80 i janë regjistruar 16 vota ndërsa në QNR për këtë kandidat janë konstatuar 56 vota. Në vendvotimin nr. 1324 E 03D në Komisionin Komunal Zgjedhor mungon Fleta e tretë e formularit (FPR), sipas parashtresuesit të ankesës ky fakt vë në dyshim saktësinë e të dhënave, më tutje theksohet se do të duhej të bëhej kontrolli dhe rinumërimi. Në vendvotimin nr.1324 E 02R, nr faqen 7/7 të gjithë komisionerët në vendvotimin nuk e kanë nënshkruar formularin.

Parashtruesi i ankesës pretendon se në vendvotimet e lartë shkruara ka pasur shkelje të ligjit dhe rezultatet janë të manipuluar respektivisht janë vjedhur votat e kandidatit me nr 80 Shukri Buja, sipas kësaj parashtruesi i ankesës ka propozuar për rinumërimin e votave.

Parashtruesi i ankesës në cilësinë e dëshmitë ka ofruar Formularin e Përputhjes se te Dhënave dhe Rezultateve (FPR)

Bazuar në nenin 117. 2 të LZP-së PZAP-i *“Gjatë vendosjes për një ankesë apo apel PZAP-i shqyrton dhe heton të gjitha dëshmitë relevante dhe mundëson seancë dëgjimore në rast se konsideron këtë të nevojshme “*

PZAP-i, pasi që shqyrtoj ankesën dhe bëri administrimin e materialit zgjedhor konstatoi se:

ankesa është e bazuar

PZAP- i ka zhvilluar hetimet për të vërtetuar themelësinë e pretendimeve ankimore të parashtruara nga kandidati Shukri Buja nga subjekti politik PDK në kuptim të nenit 12.1 të Rregullave dhe Procedurave të tij ka caktuar një hetues kryesor dhe një zyrtar të lartë ligjor nga sekretariati për ta bërë administrimin e hetimeve të fletëvotimeve për të cilat kandidati në fjalë pretendon në ankesën e tij se është dëmtuar nga mos procedimi i votave në Formularin e Rezultatit të Kandidateve (FRK).

Nga ekipi i PZAP-it është konstatuar se kutia e votimit me nr. 1324E/O1R për Komunën e Lipjanit ishte e mbyllur prej 4 shiritave anësorë të sigurisë dhe një shiriti në mes të kutisë. Shiritat anësor të kutisë kanë nr. 110504, 110503, 110502 dhe 110501 ndërsa shiriti i mesëm nr. 110481 i cili nuk ishte i prekur fare. Shiriti brenda kutisë votimit mbanë numrin 110482.

Në vazhden e hetimit, ekipi i PZAP-it ka konstatuar se nga origjinali i FRK-së që gjendet në QNR, kandidati me nr 80 posedon 50 votë nga radhët e subjektit politik PDK, ndërsa pas hapjes së kutisë së votimit dhe numërimit të fletëvotimeve lidhur me kandidatin në fjalë rezultojnë se i njëjti i posedon 53 vota në kutinë e votimit 1324E/O1R siç është pretenduar në ankesën e tij.

-Kutia e votimit me nr. 1324E/O2R për Komunën e Lipjanit ishte e mbyllur prej 4 shiritave anësorë të sigurisë dhe një shiriti në mes të kutisë. Shiritat anësor të kutisë kanë nr. 0035517, 0035516, 0035518 dhe 0035518 ndërsa shiriti i mesëm nr. 122510 i cili nuk ishte i prekur fare.

Shiriti brenda kutisë votimit nuk ka numër.

Në vazhden e hetimit, ekipi i PZAP-it ka konstatuar se nga origjinali i FRK-së që gjendet në QNR, kandidati me nr 80 posedon 42 votë nga radhët e subjektit politik PDK, po ashtu nga FRK-ja origjinale e rinumëruar kandidati në fjalë i posedon 40 ndërsa pas hapjes së kutisë së votimit dhe numërimit të fletëvotimeve lidhur me kandidatin në fjalë rezultojnë se i njëjti i posedon 45 fletëvotime në të cilat është shënuar numri 80 mirëpo 1 fletëvotim është i pavlefshëm sepse janë të shënuara mbi 5 kandidatë në kutinë e votimit 1324E/O2R, nga kjo del së kandidati në fjalë i posedon 44 vota të vlefshme siç ka pretenduar në ankesë.

-Kutia e votimit me numër 1324E/03D për komunën e Lipjanit është e mbyllur prej 4 shiritave anësor të sigurisë dhe një shirit në mes të kutisë. Shiritat anësor të sigurisë mbajnë numrat 0037073,0037080,0035518 dhe 0035519 ndërsa shiriti i mesëm me numër 0034669 nuk është prekur fare.

Shiriti i thesit brenda kutisë së votimit mban numrin 0037074.

Konstatohet nga FRK-ja origjinale në QNR-në,se kandidati me nr.80 posedon 16 vota nga radhët e subjektit politik PDK komuna e Lipjanit,po ashtu nga FRK-ja origjinale e rinumëruar kandidati në fjalë i posedon 56 ndërsa pas hapjes së kutisë së votimit dhe numërimit të fletëvotimeve lidhur me kandidatin në fjalë rezultojnë se i njëjti i posedon 60 fletëvotime ku prej tyre është 1 i pavlefshëm sepse janë shënuar mbi 5 kandidat siç rezulton nga numërimi i 1324E/03D për me tej hetuesit e PZAP-it kanë vërejtur se 14 fletëvotime janë të dyshimta sepse janë mbushur me dy ngjyra të lapsave kimik (me ngjyrë të kaltër dhe të zezë).

Në të gjitha këto raste dyshohet se personi që i ka mbushur fletëvotimet me ngjyrë të zezë është i njëjti sepse të gjitha rastet ku kanë qenë të plotësuara me te kaltër dhe në të gjitha rastet ku kanë qenë më pak se 5 kandidat të shënuar dyshohet se janë plotësuar me laps kimik me ngjyrë të zezë.

PZAP-i i mori 16 fletëvotimet e dyshimta te skanuara për tu prezantuar para panelit.

Nga këto arsye e më qëllim të evitimit të këtyre lëshimeve të lartë cekura është vendosur si në dispozitiv në bazë të nenit 115.1,117.4 të LZP-së, dhe nenit 119.5 të LZP-së, ku parashihet se, *PZAP-i mundet që sipas vendimit të tij të shqyrtoj çështje të cilat përndryshe janë nën juridiksionin e tij kur kjo është rreptësisht e domosdoshme për të parandaluar padrejtësi serioze.*

Paneli Zgjedhor për Ankesa dhe Parashtrësia në Prishtinë

Anr. 436/2014 më datën 30.06.2014



Udhëzim Juridik:

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoha e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*